

甯死不屈

抗敵手冊之八

建東

中國國民黨中央執行委員會宣傳部印

中華民國三十七年四月

甯死不屈

目錄

一 引言

二 士紳

孔奉祀官義不從寇

孟奉祀官拒見倭司令

吳佩孚不願作傀儡

附趙恆惕致吳佩孚函

太谷趙昌燮孫培基爲國犧牲

張一麐義不事敵

王崐五謀刺被殺

李福林智賺倭寇

老詩人陳三立絕粒殉國

三 學界農界工界商界

孫景灝爲民族犧牲

廣德游擊隊之活躍

宣城一村民赤手斃敵

蕪宣郎民間武力之擴大

廣德民衆殺敵自衛

興隆壯丁乘機殺敵

淮上民衆齊起殺敵

陳智堂發動蚌埠義勇軍

壽縣民軍驚破敵膽

廣德一老者誘敵殉難

平郊抗日游擊隊之經過

平郊民衆紛起組織游擊隊

名教授楊秀琳率領學生在冀西抗戰

北平愛國志士轟殺漢奸多名

華北同胞之苦鬥

孟縣愛國同胞之掙扎

魯南崛起老子軍

山東學生農民聯合抗戰

老當益壯之滕南皓叟

綏遠納太劉起義抗日

同蒲工友奮起參戰

臨汾城外築起血肉長城

粵漢路工英勇殉職

鄉農蘇傳松送子入伍

三灶島壯丁火焚敵機場

東鹿村民智取敵兵

江浙土匪救備手榴彈對付偽組織

上海報販深明大義

四 銀行界新聞界交通界

津中交各行反抗偽準備銀行

姚民哀死節可風

威武不屈之滬報界

津電局員司臨難不屈

五 婦女

游擊隊之母

趙女士奮勇突圍

浦東許氏婦殲敵報夫仇

張八嶺國術女子化裝殺敵

宣城板橋一婦女急智復國仇

皖北方氏一門三烈女

何香凝訓子殺敵

六 童子軍

上海童子軍智誘敵機

冒險送旗之女童軍楊惠敏

七 各種族

不屈服之上海回民

濟甯男女回民奮起

竭誠擁護中央之北平回民

石王福晉等不甘陷敵

廣西苗猺請纓

瓊崖黎民舉行血盟從軍

番軍總司令東下請纓

松番各土司請纓殺敵

八 僑民

許大使不辱使命

橫濱邵總領事拔幟立幟

旅日僑胞不屈慘死

扭卞素海員拒運敵貨

九 將士

南口激戰羅方珪團視死如歸

寶山姚子青營全部殉城

平型關憑險殲敵

八百壯士死守閘北

郝夢齡軍長劉家祺師長殉職大白水

上海南市軍警爲最後陣地殉職

南口一士兵智殺羣寇

忻口之役張連附盤腸大戰

津浦綫勇敢之傷兵

杭州一勇士炸斃敵憲兵司令

勇士段云清隻身格斃三敵

滕縣之役王銘章全師殉城

沂河綫我軍大捷

夜襲孫家埠一段英勇奇蹟

津北段獲得空前勝利之龐張二將軍

台兒莊我軍空前大勝利

迷途知返之僞軍

甯死不屈

一 引言

七月七日蘆溝橋事變方起，蔣委員長即告誡國民：

『我們要知道，全國應戰以後的局勢，就祇有犧牲到底，無絲毫僥倖求免之理；如果戰端一開，那就是地無分南北，年無分老幼，無論何人，皆有守土抗戰之責任，皆應抱定犧牲一切之決心。』

最高領袖此種教訓，已如響斯應於全國，全國將士英勇抗戰之事，**中外報章雜誌**均有記載，特別為南口之役，寶山之役，上海之役，**平津之役**，淮上之役，以及最近臨沂沂河之役，晉南之役，中外人士莫不贊揚，此自有信史詳記；本編則側重搜輯國民在事實上對

於十二月十六日 蔣委員長告國民書中下列一段重要教訓之表現。

『中國持久抗戰，其最後決勝之中心，不但不在南京，抑且不在各大都市，而實寄於全國之鄉村，與廣大強固之民心。我全國同胞，誠能曉然於敵人之鯨吞，無可倖免，父告其子，兄勉其弟，人人敵愾，步步設防，則四千萬方里國土以內，到處皆可造成有形無形之堅強壁壘，以制敵之死命。』

最高領袖此一教訓，吾儕僅就報紙上看，確已得到全國國民身體力行，浙東浙西，淮南淮北，魯東魯西，河南河北，晉東晉西，各戰區廣大民衆，無分老幼，均在各地爲國家，爲民族，爲自己，奮起抗戰，雪恥復仇，卽文化水準較低之邊陲同胞，亦皆敵愾同仇，枕戈請纓，尤其在敵寇蹂躪下之匹夫匹婦，不但以殉節了事，而且能攘臂殺敵，不屈不撓，可泣可歌，此種精神，實我民族所以能繼繼繩繩至五千年之久而不衰亡之有力因素，由此再接再厲，愈演愈烈，將斷

然爲民族復興之基，固不僅掃蕩敵氛而已。茲編所舉，雖因電訊阻隔，或被敵人禁止傳播，不甚詳盡，其湮沒不彰者必什百倍於此。然忠義性行，已充溢字裏行間，指示出全國抗戰之確實途徑，與最後勝利之端倪。甚望全國同胞，繼續努力，各如 蔣委員長所說：

『我們爲子女的要替父母復仇，爲兄弟的要替姊妹復仇，後死的要替已死同胞復仇，我們不但爲同胞復仇，也要爲國家復仇，我們如果因此犧牲了，那就與戰場上殉國一樣的光榮。』

光榮之事業，無論何人，均有機會可做，又都有良知良能能做，在此千載難得之機會，凡是黃帝子孫，幸勿錯過，本部將秉筆續傳，使天下後世歌誦崇拜於無窮。

一一 士紳

孔奉祀官義不從寇

日本素以振興東方文化自任，初據瀋陽，即在東京崇建孔廟，數遣專使禮請至聖奉祀官孔德成參加，欲藉尊孔之名，以掩飾其所謂王道政策傀儡組織諸奸謀，奉祀官不爲動，力加拒絕，特至南京請命中央，守護林廟，曲阜失陷，不忍見闕里聖蹟，淪於豺虎，且爲敵利用，遂攜其圖書祭器，遠道來漢，於是先聖遺留下之民族思想抗敵意識，益昭然大揭於世。

孟奉祀官拒見倭司令

鄒縣之陷，亞聖奉祀官孟慶堂未及出避，迨倭司令官入城，躬往致敬，奉祀官閉門不納，且表示日軍到處屠殺中國民衆，故絕對不願與日人周旋，并作傀儡，倭司令官以其正氣凜然相戒不敢犯。

吳佩孚不願作傀儡

前叱咤雲風，名震南北之吳子玉將軍，自解甲後，深悔已往之非是，曾一度息影峨嵋，韜光養晦，以樂餘年。蓋感滄海桑田，白雲幻世，明哲保身，識時引退也。年前蟄居北平，杜門謝客，弈棋學字，靜玩悠閒。不識者均疑其爲碩儒。不知吳氏坐皋皮，擁軍旅，曾衝鋒陷陣，係指揮師旅之人。月前北平僞組織，倉促誕生，犬豕同槽，不孚衆望。乃由僞組織發動人湯爾和，前往拉吳氏入夥。吳氏當答以烽煙遍地，異族憑凌，不做抵抗工作，已屬自愧於心，爲虎作倀。恕我不願附和。當卽予以謝絕。後湯爾和招待各國新聞記者時，有西人曾詢其僞組織，係很據何項法律，湯不禁面紅耳赤。殆亦理屈心虛所致。若吳子玉氏之高明，不做傀儡，先見之明，不特可免萬世之羞，亦可免當面之辱也。

附趙恆惕致吳佩孚函

前湖南省長趙恆惕，頃致書在平作寓公之吳佩孚，規勸善保晚節，勿爲虎俚，文情並茂，因錄之以餉讀者：

子玉仁兄足下：舊都一別，匆匆五年，北望燕雲，懷想無已，前年冬西安變起，元戎有虎穴之危，舉國懷僑壓之懼，比由滬馳電請力營救，還答同意，至佩德音，嗣絕雁魚，倍增契闊，蘆溝釐啓，平津淪陷，以神明之禹域，任寇盜之蹂躪，遠托異國，猶昔所悲，況本食踐之地，翻成異類之鄉，風景不殊，江山已改，以公愛國之忠，攘夷之誠，能不撫銅駝而零涕，聽胡馬而悽心乎！然猶不止此也，國有賢者，敵之不利，日人詭計，不容我有明德，凡誼崇高，聲威素著而負當世物望者，皆彼所忌，必陰謀以毀之，反間以陷之，其唯一鬼蜮之技，卽奉爲傀儡，編使爪牙，以華制夏，藉矛盾之名，實肆滅亡之毒，朝鮮滿洲，殷鑒不遠。段公芝泉，亦幾被顛覆矣，報章所載，又污及

公，迫任傀儡、言公狀者，或云拒見日人，或云佯狂自廢，或云榜門待死，自全之道，至矣盡矣！北平有公，可不亡矣！情同骨肉者，能勿忤然慨嘆，疾風知勁草，寒歲見松心乎！本月二日報載津訊云；公態度猶豫，左右全力慫恿，嗟乎玉公，此何事耶？寧有猶豫之餘地乎！以公之明，詎至此乎！然道路之謠言可畏，諂佞之構會無方，似是之言，莫不動聽，變遷傳說，易爲改觀，一朝失察，終身含恨，敢不竭其愚慮，附義忠告，爲公具陳之：夫國於天地，必有興立，公爲人望，不啻篤守道德，提倡禮義廉恥之四維，圖救國之危乎？氣節者四維之本也，一夫成仁，萬流赴義，故聞伯夷之風者，顏夫廉，儒夫有立志，亡清大吏，殉國者稀，民國以來，此風更掃地盡矣！幸有一二忠貞之士，守死善道如公者，巋然獨立於狂瀾頽波中，眞天地之正氣，山川之英靈，人類之至寶，國家之命脈，三仁存而殷不亡，一士奮而秦不帝，

易曰：「其亡其亡，繫於苞桑」，此之謂矣，公其能勿思之乎？人生不過數十寒暑耳，有如白駒之過隙，公今年已六十六矣，縱使攝生得宜，壯心不已，而寸陰難逆，密謝弗住，想已白髮面皺，視依稀而行滯遲，行將七十之老翁，尙何所求乎。以言富貴，非公所志，以言事功，非敵所許，出清流而投污泥，去衽席而蹈爐火，其義又何所取乎？文子曰，左手據天下之圖，右手刎其喉，愚者不爲，身貴乎天下也。敵之用公，毋乃據圖而刎公之喉乎？舜以天下讓其友，北人無擇，無擇謂其欲辱行謾我，因羞見之，自投清流之淵；敵之用公，非友而仇，其辱謾又何如乎？又豈真讓天下乎。鄭孝胥皓首詩翁，靦顏從賊，識者比之敗葉投火；段芝泉皤然國老，見幾而作，世人譽爲殘菊傲霜；公年事差近，假令違段効鄭，降志辱身，仰仇敵之鼻息以偷生，將見數十年之蓋世英名，隳於一旦，上貽父母無窮之羞，下使孝子慈孫，百世不能